

琴

隱

園

詩

集

琴隱園詩集卷十六

武進 湯貽汾 雨生

之江集

丙戌

年四十九自塞上至浙江止

書漫河旅壁自塞上攜家之浙

卅年南北塞老矣奈貧官詩酒餘身健兒童識路難豔歌  
銀箭短長嘯玉龍寒幾處知交盡山陽淚獨彈

予乙亥入都故人官

山左者尚多  
今無一存矣

桐江舟中

席帽初彈塞上塵江南正值雨風頻短琴長劍餘貧宦萬  
壑千巖入富春川似客腸愁亂折花同人面喜相親扁舟

好其沙鷗老收拾烟霞上釣綸

題璩南雲

慶曆

茂才所藏李少府畫石

我生五岳游餘一北出長城南百粵胸中邱壑碧嶙峋袖  
底巖巒青突兀相隨萬里仇池珍題詩寫照驚倒人誰識  
龍眠有奇筆畫成數石真奇譎叱之欲活非一形紛若星  
隕光晶瑩牛奇章李贊皇平生癖石廣羅致瓦礫千秋空  
洛陽石非不壽主難久我亦石顛同感傷擲地鏗然一張  
紙古來長久無過此璩生愛此必達人豈獨李侯有知己  
吁嗟乎李侯畫石雖絕奇人間無用將安爲我聞鄱陽漁  
石中有錢探可得又聞郢支石白髮拭時還變黑我貧且  
老安可求舉頭一笑雲悠悠

題衛身也 本 蜀游草

游山不入蜀如詩不吟杜謫仙善游人乃怯五丁斧上下  
三千年名游數工部賤子平生輕萬里漠北日南窮覓句  
一編落手心魂驚恍歷瞿塘與灩澦從來名士必好遊豪  
氣自得江山助我交叔寶欽瓘名下筆真同三峽注君非  
大官非大賈獨以探奇窮力赴狂來快吸玻璃江老猶跌  
宕應天付吾家三世此宦游伯祖蕭山公成都守世父蒔  
芥公石砭同知兄葭村壁山  
宰琴鶴頻詣往來路夢魂時見西州春書札猶徵海棠賦  
我探畫理在佳游此迹天慳非自誤縱能鴻爪繼鳬踪腰  
腳衰慵心膽怖壯夫貧來終思家但得一邱且歸去還君  
詩望君鄉羨君歸隱猶康強此福君過浣花叟詩名漫論

千秋長

和張念齋明府

祖基

感事十首

有趙公子者赴京兆試道悅某姬有終身之約過期而往則積思成瘵紫玉成烟矣念齋有詩索和并屬爲圖

景真入洛正青年錦袂花驄燕子邊寒食東風誰是伴青溪如畫柳成絲

映水樓臺似若耶無人知是小叢家舉帷一笑誰偷見綠玉闌邊紅杏花

瓊館瑤臺夢雨晴鳳凰枝上月華明車輪爲底難生角促鴛鴦樓記未成

銀箏無語送郎遲  
忍淚猶歌學士詞  
一十二回圓月易離  
愁已似十年支

珊鞭拋處月黃昏  
私誓猶留臂上痕  
別夢依依飄柳絮  
隨風搖蕩不離村

擲斷空房錦字梭  
秋來昔昔看銀河  
雙魚不識橫塘路  
蟲語分明替奈何

蓬山原不隔千峯  
夙約如何竟絕蹤  
翻是封侯容易覓  
愛卿無處再相逢

花前誰是楚蓮香  
腸斷空樓燕壘荒  
舞板歌絃依舊好  
不堪重見縷金箱

吟聲空學杜鵑哀  
那把花魂喚醒來  
畢竟彩毫難續命  
美

人何苦尙憐才

名花闌苑惜芳菲誰遣穠纖寫洛妃莫漫消魂驚豔影卷  
中人不及崔徽

懷靈邱琴隱園

清歌不復聽玲瓏夢裏雲山付斷鴻細雨荒園生病草也

秋風古樹落剛蟲

鷹也

定知鄰舍增花事有幾騷人識主翁

又傍屏山

山在新關徑那堪舊雨到詩筒

九日偕楊幹村

道生

廣文吳濟堂

寬

贊府劉蟠溪

廷

橫

都尉錢樂山

成烈

楊仲源

景雲

二茂才登八詠

樓過天甯寺歸集署齋卽事分韻

去歲重九寒裂肌荆關匹馬行逶迤塔厓

易州

擲筆獨狂

醉今年此會誰得知高樓岩巖日晴暖腐公詞客歡相攜  
山色環城水當檻別饒幽秀非雄奇殘碑四壁感興替遺  
構間亦頻遷移一時褰屐遂千古六朝風物流雙溪更隨  
黃蝶過招提疎鐘出樹茶烟低側帽斜陽碧欄靜元談孰  
答蟲吟籬我來古婺已半月名勝未得窮攀躋卻借佳辰  
遍游歷一杯好索羣公詩亦知冷官本無事哦松客復耽  
撚髭都尉能文我鄉里四人宦轍欣同茲仲文伯起況親  
串相逢不樂甯非癡縱無黃菊有紅友金華菊遲秋光自  
重九不見解行相隨蕭齋僻在古城角桂花雨落鋪深堦飛觥擊鉢  
各盡興故鄉舊雨休櫻懷屋角搖青入烟暝此日可惜難  
重追忽聞吟聲挾鼓聲爲言大將西出師時西陲用兵幹  
村詩中及之



千騎弓刀列沙漠鐵衣擁雪螫生蟻平賀蘭故壘巢鯨鯢  
時臺灣未平海天萬里雲烟迷木岡南北流民饑掇書未  
臺本賀蘭地入同憂疑我曹行樂無乃非四座勿驚聽吾語 聖朝威  
德敷遐夷外多勇帥內賢相小醜不足驅熊羆不聞昔賢  
矢石際尙弄瑤軫尋闔幕此生更得幾重九有口但向杯  
中宜明年今日又何處雲天搔首霜鴻飛

題幹村廣文結廬見山圖

待酌亭中酒頻看竹外山金華學舍有竹萬个君擬結有亭其間以覽金盤玉壺之勝  
誰當客雅惟我尙官閒花月成千古風騷見一斑平生遊  
嶽願何以閉柴關

王錦汀

佩蘭

丈傳硯圖爲令子芭泉

恩注

明府題卽

次丈集中題余臯泉品硯圖韻

自我來婺州抱鄰每吟獨紛紛冠蓋朋視我自碌碌寓公  
有王子間老悲髀肉未登元禮門早識孝先腹語言見性  
情翰墨慰昏夙詩名似官好耆稚各耳熟談詩肯過從足  
音喜空谷示我傳硯圖遺像襲錦縠貽謀足矜式道貌藹  
可掬開函首再頓握管手三沐慧龍洵軼羣朗朗秀眉目  
逆知玉堂器江左風流屬勿抱范喬悲願堅維翰讀嗟予  
青瑣藥對此哀且惡壯歲不如人況今髡毛禿祖德不能  
繩父書并無蓄雖有三男兒學燕性麋鹿含飴尙難望家  
室長奔逐愧此結芳鄰德星相往復

初冬同人過集寓齋卽席分韻

黃花已過霜葉脫赤松峯前游跡絕陰烟若霧客至稀我

亦獨吟常不出吳興先生富道德幹村湖袖中更有江郎

筆平時屈指論人文吳衡照字沈逢吉字戴作霖字王注

字也今四傑皆廣夢魂幾夜東西馳那得同游招促膝豈

知翰墨風緣深似有明神暗相撮夢調錦帶蒞金釵文酒

不嫌鮭菜蕤知交往往得傾蓋秀句紛紛成擊鉢綠衣最

少真鳳毛公然詩是君家物開眉快罄一石酒下筆工題

五色日翁雖怯飲詩不逋此會欣逢竹林七子律以疾未

代之而分平生交遊半天下一官自冷肝腸熱諸公衮衮

安足論但把黃金鑄皮骨黃鑪寂寞幾人在各仗青瑣一

方活俸錢豈足飽藜藿便有一鸞難共割昨歲邊庭結吟

社消寒共飲黃陂血雄哉廣文賦廣武快洗儒酸談劍訣  
驪歌既闕雁帛杳況乃浮萍久相失新知且盡當前歡一  
醉肩負雙溪月青山遙望日夕佳遙望尖郡南山名白酒難辭錯  
認劣金華酒有名錯認水見談薈知雜不出門方局謝泌以試士授知  
雜時學使臨發  
醉歸勿慮霜街蹶客殊未醉主已頽盡去何曾有留轄此  
邦除飲更無事自笑老兵醉死必可憐輸臺千里雲十萬  
羌揮戰寒鐵何人痛飲月支頭世上醉侯稱第一

丁亥

年五十自常  
山至湖州

送馬戊莊

第京

贊府轉餉軍中順攜家人歸省西安

聞道征西將無人不識君壯懷頻看劍揮手竟從軍萬竈  
開羌雪全家向嶽雲慈親方健飯努力建奇勳

胡春如

元熙

廣文過飲春如尊人梁園

枚

戶部向訂

交揚州

一瞬揚州夢交游半死生可憐今日酒如對故人傾別淚  
流春水華年記玉笙相看慙父執浪跡竟何成

過春如詩味齋

嬾尋詩去待詩尋詩不尋來便弄琴不是看花偏有過孝  
尼應有學琴心

卻認珊瑚是石家一株紅豔海榴花留仙鬢色長相妬不  
記春風陌上車

掛壁塵生破虎羈尋幽獨泛米家船天軍十萬輪臺北六  
月巖霜凍折鞭

才看中庭月一方  
天瓢翻倒變池塘  
兒童驚喜誇奇絕  
璧社湖邊夜放光

竹外迴欄鶴逕斜  
侍兒撲蝶過窗紗  
綠楊深處無人到  
卻被黃鶯見折花

夏日遣興時初還常山輓轡韻

梅黃才得解征鞍  
冷暑如禪晝掩關  
病似忌閒歸便作  
雨常妬夢起偏殘  
賓稀童喜茶人驗  
花困奴嫌菊虎頑  
最憶江亭消夏樂  
碧荷深處下漁竿

將之吳興徐旆先

在唐茂

才以詩送別次韻答之

玉湖帆落早秋天  
欲寄書來在雁先  
從古消魂惟遠別  
與君交誼況忘年  
菊邊肯負登高約  
夢裏還期訪戴船  
珍重

梅花三百樹要憑好句與流傳

嚴江舟中

欸乃聲中清夢回一編懶對白鷗開  
梅蝦多自充漁飯荻鴨肥堪送客杯  
大樹村邊羣雀聚夕陽江上亂帆來  
頻年畫理差諧取幾度高吟過釣臺

之江畫舫詞

七里瀧邊舊荳蘿四圍山翠學脩蛾  
東臺花片西臺絮一樣飄零在綠波

輕燕爭憐掌上身春波颺影不沾塵  
扇紈誰畫思王賦自把穠纖較洛神

姊去錢塘妹富春便帆催寄黛脂頻  
生來不妬鴛鴦並只

妬汀鷗白過人

阿麼手種岸邊桃是妾同年妾勝嬌妾自飄零桃結子東風日日木蘭橈

消磨纖爪奈琵琶教得工時正破瓜頭最梳遲起偏早曉鶯無日不啼花

名花珍重嫁東風蕩子天涯是斷蓬千斛明珠渾見慣肯教金屋換晶宮

已作郎家桃葉看何須歸憶古長干送郎祇恨灘流急不信郎心急過灘

幾處箏聲帶酒香芙蓉江上度裴航匆匆竟逐鷺驚散獨讓青山看曉妝



吳興中秋月夜懷千波

別後萍蹤想未聞松溪金華烟水弁山烏程雲夢從何處能逢

我月到今宵自見君佳節不同知己醉名花空向美人分  
本來秋思清無賴沉復懷人鬢雪紛

晤劉月鄰延助偕友鄒確堂傳果馮雨亭庚錢芸樵

觀濤吳靜漪鴻鑒劉豫川淦過飲遂訂重九之遊

卽席口占

七十二溪烟飛鴻斷復連逢君先有夢此會豈非天六客

能高咏重陽共放船雲峯卽道還貝錦沈東老一醉勝同

仙

贈鄒確堂卽書其紅樹山莊圖

客館涼風起孤琴帶雁聲夢隨黃葉亂人似碧山清湖海  
無知己乾坤有酒名相逢愛鄉語一爲罄平生

醉鄉容易住不比故山遙秋氣肅如許旅愁何處消展聽

蘋館散

曾顏公雲溪館本梁白蘋館

花看菊城凋

菊城宋園名

一樣流年感

輸君免折腰

九日吳興郭西僧閣懷幹村金華

落日龍溪寺憑高興若何雁隨秋葉少山向酒人多水氣

侵孤閣樵謳散遠坡赤松還入夢佳節與誰過

去年今日擬偕遊赤

松未果遂同登仙咏樓歸飲子齋

楊北樵

有恆

明府招同幕中諸子遊峴山

筇邊最好玉湖寬逸老堂空古鶴還無事何妨來嘯詠幾

琴隱園詩集卷十六

九

人不負此溪山梁園主客皆名士峴首風流有魏顏但補

紅亭松樹底朝朝肯放石樽閒

逸老堂窪  
鑄亭皆廢

又同遊道場山

吳興山水真圖畫宦遊到此平生快玉壺烟艇同吟秋纖  
塵不著琉璃界道峰雲樹正在眼一笑遊緣今各踐髯翁

去後幾詩人名姓紛紛碑蝕蘇山前山後松篁青我思古

人來結亭

寺後有瑤席池  
池上有亭今廢

朝攜白鶴隨雲放夕弄瑤琴與

月聽挂瓢隱者成千古有酒無人酌坏土

明高士孫太初  
挂瓢堂在歸雲

庵墓在  
庵左

我今不樂將柰何日夕憂勤百無補太湖茫茫三

萬頃我來不過一勺飲惟於泉石不能廉登涉甘心廢餐

寢今朝瑤席下若傾明日石斗新詩成

時訂遊白雀  
寺在石斗山難得

名邦有賢宰湖上照耀光輝生只憐泥雪無留雁轉瞬東  
西各鄉縣舊雨新雨常相期莫學大雷小雷長不見明王  
澤編大雷小雷兩山相對而不相見見  
卽有風雷之異志稱二雷俱屬烏程

歸雲庵觀係太初詩跡並勝朝及國初諸賢遺墨

### 四卷拜其墓而歸

歸雲一草庵得名緣隱者閭

上和唐  
詩人

孫先後隔千載樵牧

猶能說風雅空廊碑碣半沒字不料雲烟存故紙神呵佛

護豈偶然豪奪巧偷差免耳閭君已無考孫墓猶庵傍無

庵墓卽廢非墓庵亦荒欲知庵墓兩無恙賴有翰墨留芬

芳前有陳廣文

焯字無軒郡人四  
卷先後皆其手訂

後有楊使君

北樵因卷  
漫漶擬爲

重裝不使遺編蝕殘簡其功何異延孤嗣當年名僧有畫澈

卷中諸賢有贈主嘗與諸賢蓮社結抱持此卷竄荒山萬

僧某某數人詩畫

死流離虎口脫無軒記云主僧葆光當鼎革時抱諸卷匿巖洞中得免

至今寶氣如

雲騰求留此寶爲傳燈挂瓢堂外髯松古屢見詩壇有廢

興文章自古名山少我愧不才何況老縱成萬卷置東林

難免他年同腐草披榛揖別臥雲人出山依舊風塵身長

吟竹碧沙黃句回首雲山暗愴神

太初歸雲庵詩沙黃竹碧鷗出飛野老候子開

屏石

謝北樵惠菊兼壽予二律

重陽菊等中秋月吳興無菊過菊節楊侯贈我一肩秋喜

似故人來入室邗江籬落羊城廬成州園圃屏山居何年

何處不種菊今被羅含輕笑于余本花傭君傲吏與菊相

知故相契感君此惠于黃金又況驪珠百十二窮吟未必  
年壽長期我晚節同芬芳但願還家逕未荒煩君無事爲  
求羊銜杯一笑吟聲香花前日日過重陽

菊花開日乃重陽涼天佳月卽

中秋東坡語也

北樵見和前作疊韻再贈時君乞假養病不晤旬日  
矣

憶昨碧湖同泛月下山有約清秋節秋人忽逐黃葉飛使  
君又卧維摩室晶宮自好非吾廬偶然鴻雪豈久居沙鷗  
不見米舫出茗雪有知應笑予可憐腕脫鈔詩吏有幾同  
官文字契六客堂空五百年風流玉局君其二燈窗坐對  
菊影長把君詩札花同芳我坐浪遊學就荒補牢無益空

亡羊今朝使我燔心香思君何異葵傾陽

碧浪湖漁者

老漁清入畫何事暮寒天驟雨積船重濃雲壓笠偏釣餘  
尋樹泊飯罷立篙眠相見能無羨江湖五十年

汪秋坪

世雋

郡博茅廬夜讀圖

人生識字憂患始不以聰明望孫子東坡此言何太激名  
在儒林炳青史低頭吟誦老宛邱下帷自喜望春秋張乘  
曹倉盡在腹平生著作亦汗牛憶從詩禮親庭訓六七十  
年如露電宦遊久別先人廬雪閣螢窗圖畫見見君此圖  
三歎吁寒窗熊荻吾親劬

先慈有寒窗課子圖

壯不如人老何望有

兒豚犬尤慚予予今縱學知無用一笑青瑣堪覆瓿但得

空山一把茅玉堂金殿皆春夢連宵風雨龍泉鳴經年未  
罷西陲兵臥龍尙欲草廬出有家亦恐歸難成羨君安穩  
書城老萬事都從黑頭了辛苦多年合整休燈前且共金  
樽倒

徐星溪

慶超

都督春波洗硯圖

嚴州二月紅花紅旌幢夾岸舟如龍棘門霸上竟兒戲眾

中識子真英雄

時制府按部嚴江始得訂交

別來舉首烟波闊失喜開

緘見奇物驚溪百尺徑丈書海闊天空現朝日

時以朱書逕丈壽字

見新秋握手錢塘門檐花細雨開清尊示我春波洗硯卷

天下才人盡愛君君昔金門備環衛殿前執戟承恩貴每

從朝罷侍西園親見龍跳

御書大朝開勁弩摧枯蓬晝



運百鑿旋輕風臂強指壯用在筆世上誰敢書爭雄隨身  
一片馬肝石獨似平生心膽赤萬里鯨波起黑雲驚起魚  
龍遷窟宅曾官臺灣研池此日借西湖幾人風雅同官麓笑我  
撐腸無點墨公然把筆題君圖君言識字亦徒爾吾研欲  
焚不再洗丈夫合取萬里侯否亦當從赤松子勸君且莫  
論窮通神仙亦覺浮雲空名將自古文章雄不文誰勒燕  
然功毛錐何必羞冬烘君不見豹皮亦復文章工

奚虛白

疑

上舍招同端木鶴田

國朝

廣文董霞樵

游

戴銅士

銘金

二秀才姚豐泉

文潤

上舍雨中泛舟

集榆蔭樓

今日是何日茗溪風雨舟千秋復佳話六客此高樓天地

餘詩墨江湖老醉侯一竿如可借長伴白蘋

洲名 鷗子將代還衢州

是日泛雨夾山瀋虛白索圖紀遊

早愛烟波好欣逢地主賢看山黃葉後鴈客白鷗前讀書  
論詩會斜風細雨天乾坤此清氣下筆媿千年

王瘦梅

與沂

秀才鶴守魚圖

鐵橋西畔石樓東夢裏幽琴月底鐘別後梅花原憶我難  
騎蝴蝶到仙峰

峰前峰後白雲香老鶴墳前舊築堂

予嘗瘞鶴於羅浮江瀕濤道士築亭其旁

予名之一自抱琴遊嶽去離情空似薜蘿長

長日如年閉戶深淚君高隱白雲心玉堂金殿空塵土茅  
屋青山自古今

卷一百一十一  
今年爲底別梅花畢竟詩人會憶家家去也知無一事但  
吟梁父讀南華

漁趣圖二首

碧雲滿山煙滿村寒鴉在樹月在門漁翁歸來碧溪響閉  
門一醉春潮長

暮晚歸漁

波漸漸煙濛濛漁郎笠上桃花紅清溪曲曲扁舟通溪水  
清見底青山網不起漁郎卻被青山網那得從渠入網裏  
春溪撒網

奚虛白榆樓圖

滿地青錢可療貧捲簾應不到紅塵門前古陌懷驄馬花  
底春波識美人我媿髯翁留句好君同買老許來頻畫梅

自笑非栽橘但展生綃未得真

東坡擬於陽羨栽橘築亭名楚頌竟付空談予有畫

梅樓圖而懷寶未有

### 出郭

出郭船聲亂似鴉平樓瘦塔亂烟遮桑村漸見收羊葉

湖

以桑葉飼羊曰羊葉秋後則採而儲之

米市猶聞賣鯉花

八月稻名鯉花紅

翠竹溪

邊漁女靜夕陽庵外塾童誦頻來當讀鷗波畫卻笑詩成

誤放衙

### 書德立齋

豫

明府與制府汪公倡和詩後卽送之嘉

### 興司馬任

治民同牧羝宰邑如烹鮮君真古循吏家有治譜傳我聞

衢民沐膏雨

營軍江山常山

三異十奇頌神父愛人不讓何易于

執法無殊唐隱甫比歲來蒞城官聲召霽清懲奸捕猾政  
大成曲直剖決如衡平平生知己萃農老喜薦陽城登上  
考多年物色得幾人贈子詩篇最傾倒制府詩多年物色  
徧風塵三德能全  
有幾人君才百里屈君腹五車積能著論蒙書先工理人策  
文章經濟稱兼全遭逢知己人尤難君獨浮雲視軒冕恥  
因王黼成高官官高不足羨鵬翮休辭倦此日朱幡去權  
李相期五馬重來此不聞聖主方求賢會見明良賡喜  
起

月鄰家有園林向析其半於他人約予他日贖得結  
連牆之歡焉

喜聽詩人說愛廬天涯方恨賣鄰虛一樓難得梅先種  
有園

樓樓下有梅數十本予擬築畫梅樓久未如願也半宅能容鶴共居籬畔呼杯應

辱子堂前撲棗青嫌予獨憐大謝風流盡只怕秋砧近綺

疏予友美初卽月鄰叔捐館久矣

題峴山十五老圖圖爲郡人陳豐所藏嘉靖三十一年

子太保工部尚書歸安蔣瑤石庵年八十五老耆太

州知州歸安施伯南村年八十四工部尚書建業

劉麟南坦年八十三永新縣知縣長興李丙半溪

年七十六延平府同知陳清蔡理夷軒年七十五

貴州布政司參政安吉陳良謨練塘年七十四南京太

京刑部尚書長興顧應祥年七十四通政司右參議崑

僕寺主簿歸安吳龍西園年七十四通政司副使孝豐吳

僉事歸安孫濟郭南年七十三通政司副使孝豐吳

山張寢石川年七十一山東按察司副使孝豐吳

麟蒼溪年六十九揚州府知府歸安朱懷幹雙橋

年六十四川布政司參議長興章商臣南荅年六

十七福建布政司左參政孝豐吳龍石岐年六十

刑部主政歸安唐樞二庵年六十皆致政林下會

於峴山山有逸老堂別駕湯世賢爲諸老所築今

存斷垣  
而已

憶昨峴山遊披榛得殘碣云有十五老于焉稱隱逸結社  
合耆英高會其真率長嘯石尊空浩歌玉壺闊寒林何蕭  
條遺構尙彷彿未知諸老誰載籍恐遺脫童子忽奔告今  
朝事奇絕諸老紛相攜公然入我室相見如平生一一驚  
耄耄衣冠一何古面目各怡悅來此無他求愛詩不嫌劣  
揮毫對諸老呼僮酒醖列不羨諸老達浮雲視簪紱不羨  
諸老才述作勞心力但羨千百歲風流長不沒吾年已半  
百來日復幾日奔走日已疲精力日已竭故鄉今不遠舊  
侶半未失有田豈不歸無功祿猶竊亦知樂及時尙冀婚  
嫁畢諸老嘔然笑進退在一決買山始歸隱終恐草木卒

欲遂張翰思勿羞元亮乞賓從徒流連峴山行當別子真  
邱壑宜誰遣風塵屈能辭名利網若釋膏肓疾不費一錢  
沾清風與明月天地有滄桑千秋孰可必遑計身後名但  
補生前闕無以答新詩贈子斯言切

臘月十六日端木鶴田鄒確堂劉月鄰楊庵奚榆樓

戴銅士鈕瑤圃 重華集署齋消寒分得六字

白登積雪凍折木瓊廬醉奪黃麝肉前年十客賦苦寒

雲中

消寒同守令廣文尉豈識今朝今兩樂一冬不裘酒債少

庭前老梅春已覺年年此時例高會不爲消寒亦消俗畫

師詞客盡在此火吐口中珠出握有箋自寫有爵傾興至

不煩相迫促高談四座聽絕奇長松夢冷青田鶴

鶴田席上說夢



甚奇花鯁荻鵬盤殮籠一笑空擎粥翁粥黨豪陶儉豈必較

肉障軟盤憎醺醺莫嫌燭短清宵長勿負鑪紅新酒綠記  
來此邦正炎伏荷簟快吸涼風馥歲事崢嶸那無感時序  
忽忽壑蛇速門前亂擊紉腰鼓詩筒倦走長須僕昨聞回  
紇已窮竄督師又建輪臺燧掘冰鑿雪路不通壘地消兵  
壘堅築時議屯田男兒五十未全老據鞍自比廉頗熟難免英  
雄拊髀悲功名半世魚緣竹裘帶安閒閉鈴閣何人不笑  
無功祿幸逢公等訂新知覓句銜杯媿愚福新年買得行  
牒子一別諸君會難卜天生劉伶吾酒侶留與諸君交其  
篤此會皆吳興新雨此月鄰故人懷人歲暮定于及子夢亦來茗雪曲老  
懷畏別說已悽有幾重來蘇玉局流連且盡當前歡勝寄

音書鱗六六

題端木鶴田

國瑚

廣文尊人清溪坐隱遺照

溪月松風隱趣多  
幽人心跡印清波  
暮聲何處還相覓  
畫裏青山似爛柯

喜從風雅見交情  
令子才華負盛名  
縱有酒錢誰得贖  
貧官蒼雪不如清

琴隱園詩集卷十六終

琴隱園詩集

卷十六

七

琴隱園詩集卷十七

武進 湯貽汾 雨生

之江集

戊子

年五十一自湖州還衢州至常山止

戊子新春將代還常山吳興諸君餞予九梅軒畱別

四首

春氣忽然覺花香其酒濃別帆偏似馬匣劍不成龍有夢  
來西崦無詩到北峯約遊下名山未果與良友離恨一重重  
百廢有興時于今風雅誰鷗波空讀畫蘋館莫尋詩瘦馬  
山童識孤琴野鶴知平生游覽迹悔到此方遲

老矣厭江湖移家願下赤青山容我嬾白髮笑官粗欲去

慚攜硯鈕輩村以所藏晉磚治硯貽予長畱等濫竽可憐山簡客重望習

池俱

一夜茗溪雨多情滯遠人官同巢鵲避迹逐磨驢陳東老  
餘家釀南園自好春相期俱不朽珍重苦吟身

西崦探梅

抱琴出簷底一徑越松梁茅屋人俱古空山雲自香窺潭  
鶴影瘦過嶺鐘聲長幽意偶然得短筇支夕陽

又作

涉澗穿雲得得來吟隨老鶴破蒼苔何郎不到深山看未

必平生定愛梅

同官鶴田而外無同此遊者

一路橫枝戛杖藜溪明谷暗竹雞鳴何人有夢能尋至日

暮孤琴西崦西

沿溪三里或五里傍嶺一家還兩家那得將身化明月峭  
屏圖出萬梅花

晉屐唐裝入畫人翠禽啁哳共斜曛童肩不覺詩囊滿半  
入殘英半白雲

畫梅樓上怯春寒一夜東風凍墨乾自把疎枝和雪折還  
家先付細君看

斷無酒客能遺我豈有梅花不愛詩知道從來誰是伴莫  
嫌花下立多時

榆樓銅士鈕葦村

重熙

瑤圃邀同鶴田餞予溪舫同

遊法華山分韻得變字

世事眞浮雲倏忽工幻變新年買蘭楫已別梅花面不知  
未了緣良遊復蒼卞感茲二三子殷勤一再餞招我素心  
交笑語芳尊勸龍溪烟水寬石斗春雲暖坐愛孤亭幽俯  
納太湖半捫蘿讀殘碣往哲此游倦風景非不同所異後  
與先我先等我後彼此都不見到眼湖山明惟此堪相戀  
相戀又幾時一瞬已物換再憶看山人何殊古人遠山靈  
亦太息勞生自蓬轉

寄榆樓

夜夜茗溪夢逢君溪上樓兩番書到眼一月病垂頭別後  
餘詩壘花前幾醉侯多情頻憶我時節又丹榴

題幹村抱琴行看子時重陪金華又將別矣

珠林瑤島非人寰我時夢遊跨青鸞看君抱琴神思閒不  
知出山還入山雲漫漫水潺潺有詩但吟古鶴聽有琴但  
對蒼松彈何人同此結古歡道人琴隱號子自君交从羅徑  
松扉幾時有雲不常閒水常逝今日相逢亦云偶平生觸  
熱非甘心羞被桐君見奔走

喜陳玉珊

海霖

廣文從華下攜千波書至卽次玉珊

見貽韻

歸矣陶園叟茅堂對石林名山有真隱詩句雜仙心舊侶  
殘秋雁離情獨夜琴不因陳正字何處覓佳音

今年人口予尙攝鎮吳興端木鶴田奚榆樓蔣浣農

賜紫

戴銅士鈕瑤圃王子蒙過集卅年友善之居

以人日題詩寄草堂分韻予得寄字詩未成而代  
還常山是集瑤圃爲圖諸君詩皆書圖後予不可  
以終闕也補成此篇卽以寄懷諸子

新歲逢舊歡佳辰宜美醉雖殊剡西遊卻異元卿思詩成  
圖亦工我獨無一字偶然興發過其事亦遂置一瞬忽秋  
中銜杯念同輩七人各東西百年幾良會憶昨山水窟觴  
詠多佳致醉侯每驚座騷壇爭拔幟所慚孔融賓兼譽崔  
懷嗣爲聆龍紋吟其感駒光逝乙亥廣州人日曾賓谷方伯署齋亦會者七人綬兒  
在其列諸公有聽琴詩貽之是日歡難蕉鹿尋官乃桃符  
綬兒亦鼓琴同人詩中多及其事代浪迹爲平生雪泥肅盡記補詩且存迹離情藉遠寄雙  
魚何時來安否期相慰笑非人日鳥欲合甯難再



王子蒙

藝文示所藏晉大興磚又贈予咸康磚擬治爲

硯

便合齋名寶晉同觀題惜少大興翁

單溪學士考訂古磚最詳

笑予嬾

學陶公運用築詩成備爾攻

虛白家榆蔭樓舊屬鮑氏雍正間厲樊榭茗上納姬

朱月上其集中有中秋月夜吳興城南鮑氏溪樓

作一詩卽其處也虛白考得之有詩索和因寫溪

樓延月圖俾藏樓中以爲斯樓故事云

天香易散彩雲收尙有詩人愛此樓桃葉傷心迎不得碧

溪無恙白東流

青山依舊似脩眉無復重來杜牧之歌斷柳絲人不見月

明誰唱鮑家詩

去燕空尋玳瑁梁畫闌猶剩綺羅香年年寒食西溪路只

有桃花似舊妝

樊榭葬西溪

千古高樓冷暮雲秋風何處滿孃

月上

墳玉湖杯水無人

薦楓落牙灣自夕曛

乾隆間杭人于西溪榛莽間得樊榭與月上栗主因祀武林門外牙灣黃

山谷祠別室

月君應事月前身

唐徐寅妻字月君

留得清光照白蘋幾許登樓

好才子不知蘇小是鄉親

榆錢喜買芡羅春如畫湖山願結鄰妬爾銷魂詩句好前

身豈是擘柑人

樊榭爲月上擘柑兒悼亡詩自注

將之環山

江山縣北二十五里慈木棉嶺古廟懷汪叔明昉江

山

故人從此去先我啜山泉獨坐秋雲裏相思古佛前松聲  
奔谷口峰影壓樵肩今夜環山夢逢君話木棉

洪筠軒

頤植

過訪常山以唐人雞犬圖書共一船句

寫圖屬題

白家琴鶴米家書今日逢君賦遂初同是平津舊賓客軟

紅猶是困騎驢

向呈孫淵如觀察倦驢狡作橫行蟹句予與君訂交從淵如席上始

送懋兒之官桂林

自題招隱赴邊關腸斷錫原髯已斑

弟峻欽于辛巳十月卒于羅城主簿任

及汝宦遊經四世

族祖蓉溪公曾守潯州族父存方公任廣西布政使

將予詩夢去

千山但存志節何憂賤不廢詩書自耐閒勉立修名行矣

慎堂前勿復涕潛潛

程月川 含章 方伯之任閩中過衢州寓舍喜贈

喜聞諸吏慶重聽八鸞鳴 聖主知臣直蒼生憚政明輕

煩長者轍瀾見故人情載辱牙門薦終慚笏上名 劉宏嘗

將皮初予與公皆在嶺南邀今相國蔣公薦舉及公撫浙予始除今官公調山東因具牒薦予于閩督

予自今春還衢州湖人皆慕予抱琴小像藏之歸雲

庵題者紛紛頃有攜來示予者不勝其媿且感也

因題二詩還之

巖壑居然置此身卅年琴劍慨風塵祇餘臂學羊公折病

臂亦有相思墮淚人

抱琴曾到此山中心是孤雲跡斷蓬琴去雲歸人自老只

愁貽笑挂瓢翁

孫太初山人隱居此庵有挂瓢堂

徐秋潭

錕

將軍出鎮湖南過訪常山見貽雅翰別後

卻寄

近代紛儒將浮名指一彈  
韜鈴能展易翰墨不磨難涉世  
從伸屈論交出肺肝如公今實少  
豈獨重騷壇  
早起聞簷鵲門前忽入騶  
有心來覓侶得句便銷愁  
風雨回新夢瀟湘憶舊遊  
墨痕濃在壁欲見再無由

聞族子敏中舉京兆試兼懷葭村兄蜀中

頻年人羨謝庭蘭又見龍門魚尾丹

近年姪輩登賢書者四

忠孝律

身應自勉文章華國料非難  
漸看三鳳雲霄迴

敏中弟秉中鎔皆應

京兆試秉中以副車校書內庭

劇憶雙鳬烟水寒  
玉峽金臺天萬里六鱗

何處歲將闌

己丑

年五十二自常山衢州至龍山莊平止

新年常山至衢州舟中

入春頗晴暖今日偶北風灘多水復淺風利帆無功相違  
百里程卻隔千重峯扁舟三日臥未聞城外鐘預愁歸路  
難此行又向東不見來舟人篙折舳當胸南來三新年三  
處鷓鴣泥蹤丁亥金華戊子湖州新年正休沐何事行匆匆不愁鷗鷺  
嗤倚醉頻開篷但道看山來世恐無此翁高歌復長歎四  
面青山聳

之江長年謠

之江長年彎背腰一日六時水底號敢嫌舟重嫌灘遙但

願汗漿添得川流高過灘喘定發寒慄兩手按掌弄篙急  
可憐力盡篙頻折長年長年不見漁翁一葉浮烟水常對  
沙鷗醉眠耳爾獨何爲苦如此

官船謠

官司飛檄如星電里正捉人同挽絳岸上三行兩行雁官  
船不動長繩斷岸傍茅屋豈無人呼出負船敢逃竄達官  
峨峨倚窗酌醉起問程嗔不速負者號呶挽蒲伏皆其長  
年忍鞭撲嗚呼長年有值爾并無不見城中親戚閉戶常  
安居當年只道村居逸故傍之江結草廬

衢州江萬洲

仲

太守招同曾靜齋

大觀

總戎宴樂豐

亭

嵒山最高處在郡治內

繞屋花光映醉顏  
春風絲竹彩雲間  
頻聞元相誇州宅  
卻與羊公作峴山  
居處自崇刀犢變  
風流未墜鶴琴閒  
亦知觴詠吾曹福  
不見西戎戰未還

龍山棲雲洞同樊賢峰明經

萬古無人到  
狂吟我與君  
攀藤隨虎跡  
披棘入猿羣  
飛瀑千巖雨  
梅花一洞雲  
烟霞足心賞  
來共古仙分

洗心亭

碧澗千年挾怒雷  
仙人飛去石飛來  
絕壁上有仙一脰熱人迹飛來石  
血憑誰洗射虎雄心到此灰

龍洞

一夜蛟龍破壁飛  
千年風雨石脂肥  
何時此洞頑仙占  
不



見龍歸見鶴歸

栖雲洞折殘梅一枝偶爲寫照題贈洗雲上人

只有空山面壁人梅花落盡不知春從今畱得花長在說法能教散滿身

華蓋峰西多生蘭蕙尋香而至刈得數叢

長鑱倚短童竹杖荷筠籠絕壁飛泉下深林古雪中樵人歌落日山鬼笑春風莫恨埋荆棘幽香自不同

畱筇閣琴罷

長日無人訪薜蘿吟筇放下弄琴多憑欄忽覺泉聲健石繖峰頭暮雨過

一綫天南向一石左右有戶其中曲而邃寬者爲室

高者爲臺臺有小穴圓深如仰盂可爲爐竈奇構天成而榛莽蔽之莫之知也予搜闢得之名其巖曰

琴隱

入山亦已深居此始成隱抱琴萬里遊不如一邱穩造化爲此奇榛莽無人墾千年待我來爲汝發幽蘊不愁山鬼奪己荷山靈允丹鼎焚名香瑤臺調玉軫奚煩鶴守門但把花爲楯餐霞得不死從此長棲遯

畱龍山三日得徧遊奇跡畱題廣公禪房

平生愛山因愛僧有遊每藉僧居停此山此僧罕逢客客至輒作秦人驚開天只有飛仙到斷峽雲霾隱丹竈平生索句欲探驪焉肯遊山不窮奧攀蘿附葛推挽之如縋挈

瓶由導師吟聲墮落古澗底屐齒掛上高松枝前有狂狇  
後狂狇左俯深潭右絕壁垂藤百丈落猿輕臥樹千年緣  
蟻仄忽逢古洞寒侵人太陰深黑匿百神試投巨石鏗莫  
測入此萬古無昏晨又逢大廈千間廣几席縱橫窗戶朗  
洞中仙鼠接元談洞口梅花迎鶴筆白龍不受頑仙騎我  
欲收來作杖藜空山風雨無行逕不信前緣印爪泥謂足跡巖  
元芝一任狙公飽但酌清泉亦難老玉女頭盆勤洗心本  
來無垢無煩惱謂洗心泉鸞音天半來吾儔臨風招手尋丹邱  
倏倏一劍懶攜去藏之石壁防仙偷石壁上有鱗如劍形舊名藏劍石干  
巖萬壑皆奇境愧不成仙俗緣梗曉隨山磬破雲飛夜宿  
松庵陪鶴醒松庵一別再來難出山流水何時還山僧自

共山長在那得長留客在山

重遊石崕山留題時量移杭州

環城皆好山惟此屢遊憇筇聲入松濤茗碗出花氣一二  
耕田僧與語樸可味檐花爛漫開半是師遺植愛惜不敢  
傷藉娛遊客意行逢浴澗廩見人殊不避有沐鹿泉半山有深  
洞洞口桃花蔽久擬乘簪纓于焉成隱計蹉跎三四年行  
且去此地

昨遊巖谷深亦得橫琴處石室梅花春從古無人顧臨流  
清可濯采山美可茹不如此平曠究免豺狼懼憶昔鼠姑  
開賞共萊妻賦戊子春日同家人來飲花下彈琴賦詩歡聚竟日駒光何能停鹿  
車不可住風景日夕佳俯仰有閒趣山鳥熟吟聲流連不

知故寺門頻馬嘶回首山城暮

偕同官至石磴華嚴寺

尙有吟緣在山花襯屐開屢遊終可戀一別又誰來竹澗

泉鳴雨松廊鶴破苔同官隨物換詩壁感塵埃予自丙戌

至今凡五易宰四易廣文三易丞  
餘官亦半非舊雨留題多在寺壁

戲東西安尉徐雨生林卽以錄別

本是鶯花共里鄰相逢幾度話鱸莼不知誰是陳驚座卻

笑生同毛野人繞郭山光容吏隱橫腰一劍累吟身匆匆

雨別無新舊難免西窗又對蠶

陳垂石大勳明府索蔬香園詩卽送歸東安

緬昔鼎食人常守菜根味結駟懷人憂不爲溫飽計陳侯

往未達咬菜同江泌十年羈冷官苜宿安荒解及宰山水

縣膏雨民懷惠卽種潘令花仍餐阮隱建政成旣投傳歸

隱身心泰羨君邇來荒語我廬堪愛名園類北村自足無

埃壘宋吳興沈倫書北村有園名自足不到漢陰機常爲栗里醉解帶自

攜鋤獠奴引阿對楊伯起嘗令家童引阿對泉灌園閉門成獨樂春山自

飛翠溯我初逢君輒憶舊遊美水竹如人清不知有誰

在君今歸故園我懷其迢遞迢遞君得歸我歸尙何滯作

詩贈君行後會知非易詩成繼以圖珍重離人意菜根飽

卽福斯人與斯地從今惟德馨不數蔬香細

同內子石崕山看牡丹

曾參玉版鹿車來去春花時來食新筍其美又看天香般若臺出郭遠

還貪地僻到山遲卻值花開淡雲微雨春三月翠管紅牙  
酒一杯別後防人吟我句尋伊履迹向階苔

北禪寺看花

三歲居定陽不知北禪寺但見鬱嵯峨千松排古翠非有  
看花緣幾負幽棲地何時天女來芳菲散庭砌密葉護幽  
禽餘春戀殘蒂一枝尙可攜且避幡風細導游得雙蝶濃  
綠侵衣帶空谷無人聲一樵有仙意桂子落吟肩松花吹  
鶴背古墓拜忠魂南度僧猶記大節高於山低徊感興替  
宋節度徐幸隆死兀木之難葬在此寺後山落日去籃輿新詩留佛界莫笑看  
花人空彈千古淚花落樹長存人去名誰在

獨坐石崖

無事卽來游  
閑官似野鷗  
溪雲隨馬足  
山影入僧樓  
愛客柳青眼  
傷春烏白頭  
故人今落落  
對飲及前驪

再送垂石卽書其詩集

我愛陳君子

宋陳之奇人稱陳君子

浮雲視紱簪  
清名如好句  
濁世

幾知音  
此去耆英會  
誰同翰墨林  
因君重酒淚  
徐孺最交

深

集中有贈徐東簋東簋予故入下世久矣

偕垂石郭外觀荷歸憩石岙

一月不出門  
眼中榛莽塞  
藕花不早開  
佳遊今始得  
山色落衫青  
溪雲吹面白  
過嶺得烟村  
冉冉香風逼  
柳底謝籃輿  
鷗邊選苔石  
侵晨暑未生  
草露沾雙鳥  
朱霞罨綠雲  
對此煩襟滌  
陳侯素心侶  
亦有愛蓮癖  
秀句奪橫湖

東坡有橫湖詩



才名傾太液，千秋風雅存。苦心似蓮葍，此地絕吟朋。美景更稀覿，惟有石崕巖。一樓花雨赤，山有赤雨樓煮茗且談禪。拂雲共題壁，結夏羨僧閒。深篁罕來客，回首尋春遊。琴尊成往迹，鴻泥那久留。別後誰相憶，憶自與君交。未嘗同蠟屐，此遊亦慙慙。屈指判南北，安得菊花杯。還其屏山宅，君歸探嶺梅。我行向江荻，寒暑一瞬遷。相思兩無益，有情同藕絲。宛轉愁相識。

戴壽伯 萬年獨立圖

戴和告廟得密友，戴良獨步莫與偶。我慚君友未見君，獨立何時共攜手。問君獨立何所思，茫茫宇宙將安爲。東臯風雅自追步，宋詩人戴敏南臺際遇甯櫻懷。戴法興爲南臺侍御史宋

琴隱園詩集

卷十七

主

武甚兄親待  
門外成市

青鞋布襪游何許五岳雖遙足當舉從來白

鶴愛雲霄有共雞羣在塵土知希爲貴眞名言羨君獨樂  
能全天獨醒獨醉衆莫問千秋萬世皆雲烟我欲無人并  
無我土木形骸有無可惟有心肝一寸丹浮沉天地求安  
妥看君綠髮勝中郎蔡邕三十一歲鬢已  
二毛君今年三十一等身事業終難  
量功成便作赤松侶我豈从得爲求羊還君此圖道相憶  
一曲高歌伴君默安得江湖處處借請君化作東坡百

信天翁

信天翁意何許心悠悠行踽踽潔其身廉所取一飲啄自  
天與不青冥不元圃只沙汀只烟浦雲水綠魚鰕侶樂在  
中得其所世無爭誰敢侮天地閒滿塵土或樊籠或網罟

崩餘粒嚇腐鼠胥喪亡抑何苦逐鶯遷作鵬舉羞巧言愁  
鍛羽有鸞栖有鳳舞既知止無足數信天翁孰爲伍噫吁  
嘻吾與汝

綬兒從遊龍山撫琴巖巖半有石平廣賢峯名曰琴  
臺刻石誌焉綬兒有詩予因和之

流水東西繞梅花上下開不知春代謝長與鶴徘徊風月  
無知己乾坤有此臺髯松能記取幾箇抱琴來

附原作

古雪同僧掃梅花爲客開琴泉相斷續雲鳥自低徊一  
別憐陳迹千秋愧此臺多君懷舊雨披棘獨吟來

龍山有天然石室予旣搜關得之名曰琴隱而邑人

更名曰萬民石繪圖作詩以贈予行頌予衛庇萬  
民欲肖予像于石室予何人斯敢辱巖谷用題圖  
後以謝諸子

賸把烟雲畫裏看一生石癖療應難留詩爲博山靈笑休  
當羊碑淚共彈

題曾靜齋

大觀

總戎寰海靖平圖卽事呈懷

太乙龍旗動碧霄西風滿艫角蕭蕭雲排龍戶波成市氣  
壓蛟門海不潮三巒樓臺迎博望八荒琛賚拜嫖姚欲知  
報國丹心赤但看扶桑旭日跳

麟閣英姿羨黑頭臚懷豁達若虛舟洗兵萬古天河水唱  
米千枝海屋籌烽埃不驚龍虎節笙歌長遶鳳麟洲濟時

韜畧卑楊僕白雉今看貢 帝州

河鼓秋清萬國看 河鼓三星主占將軍 玉龍光徹斗牛寒自憐海外

孤臣裔重拜天南大將壇折節感容嚴武幕 嘗為公草文檄兒子祿名

亦嘗為公司奏記 披襟醉脫惠文冠 公每召飲必令脫帽 一柯病鶴今猶借

賴飼黃花養羽翰 余病臂思乞罷公餽藥得愈

自薦何嘗割用鉛屠鯨志願付雲烟 予任靈邱路都司嘗自請改官水師格于

部議旋遷今職隸公麾下 葛疆竟辱山公愛雷勝端憑蘇子傳 東坡師吳興代

將官雷勝作詩見本集 事到擎天惟隻手詩成橫槩獨千年 九重

擇將資高密名姓慚登笏上先 子蒙公薦拔遷杭州

江藕州寄嚴問樵 保庸 庶常畫竹索題次卷中鶴田

韻

曉吼孔泉屏山下烹顧渚白鶴眠醒向人語空庭瑟瑟驚新  
寒破屋橫飛楚江雨是誰縱筆瀟湘舟鷓鴣啼烟鳩喚愁  
墨花豈是相思泪相對偏成兩髻秋

酒村歌贈王酒村

字春

并作酒村圖畱別

以酒爲名不飲酒如君醉徒古無有但得其趣全其真何  
異無絃琴在手屏山名山三歲居相鄰聆君言論如飲醇傳  
家三硯洞千古君有三硯齋繞屋百花轟萬人人言君傲我觀  
介千駟不顧工恬退自言交友紛如雲知己惟推湯與戴  
金溪少寇我詩不足增君高臨歧索贈無推敲子孫必寶三硯  
譜知我與君真石交贈予三硯齋印譜作圖雖劣君心悅村在心  
頭今托出此村幽僻足音稀無人滌器供羌渴

讀張氏橫渠無垢兩先生家傳書後

橫渠名載熙甯間官終太常禮

院追封郡伯無垢名九成橫渠五世孫紹興二年狀元官終溫州守追封太師崇國公宋史俱有傳

道足無他求一編恆在手橫渠志宏道法天自長久方其

力學初獨與范

文正程明道

友一言服終身立志竟不負

學成澤蒼生風俗盡涵厚爲治必三代不然道終苟

甯熙間召

對問治道對曰爲治不法三代終苟道也

致君堯舜業力行非在口奈何廊廟

才棄之山林藪我觀熙甯勅求賢若恐後

召知太常禮院勅云從卿返後

朕念在茲今特召爾還館風夜馳赴毋徐以來所願自可酬所遇非不偶惜乎迫

桑榆權奸睨朝右令弟骨鯁臣竄逐就五斗

季弟戡官理刑御史論新

法貶縣令遷司竹監舉家不當筭

竹監不當筭遠嫌慎典守恤貧重養老

獎善嚴除莠經世多遠謨教人稱善誘賁志各未申大道

同不朽早知厥後昌榮名著無垢

有宋張文忠中興推大儒直言格天子正色摧奸徒高科

不炫寵遠謫不怨疏力行本致知學豈與衆殊

或議其先力行而畧

致知與紫陽殊趣見楊由義史斷

清標與峻節百世爲儀模議和辱莫大

十事從則俞斯言日月皎天地當鑒諸旨哉日食論心術

所感孚天災惡氣觸惡念萌其初何以福四海惡念君亟

除又言齊王牛一見不忍屠仁心自發見推此民困蘇王

道反掌成孟子言非虛進講必寓規効忠反見誣大奸苟

不死絕域歸期無

謫南安軍十四年秦檜死始召還知溫州麒麟在原野豺狼

當路衢從古國祚衰遠賢若鷗鷖所貴道義門無愧先橫

渠



渡黃河

孤篷一夜驚歛吸未見駛流先膽懾侵晨踞轉飛鯢急萬里崑崙一心接天公豈不憐人民陽侯肯使蛟龍馴黃金擲盡填不得仰屋司農頭早白車馬長隄日夕忙壺觴絃管無休息

在平旅舍贈客

落盡庭烏暝色多琵琶一隊肉屏過瓦檠土榻蕭條甚不信銷金是此窩

那得車輪四角生殘芻已盡客須行劉郎若聽紅兒曲應恨荒雞是惡聲

夜發

回首江南空復情  
西風襖被自宵征  
紛紛不見秋鴻若  
猶傍蘆花到五更

黃村旅夜覓壁間舊題不見

雪泥何處尙留將  
酒罷歌闌夢渺茫  
綺習未除青髻改  
浮生易逝客宵長  
老雖努力無裨世  
事到回頭總斷腸  
六上南薰三轉秩  
也知遭遇勝馮唐

琴隱園詩集卷十八

武進 湯貽汾 雨生

之江集

庚寅

年五十三至  
海甯石門

海甯舟次

過雨一溪明扁舟畫裏行有樓皆翠袖無樹不黃鶯滄海

觀潮興名園載酒情到來誰舊雨催淚笛聲清

亡友楊小  
梧本陳正

雲塢陳受笙均吳  
子衡照皆州人

舟泊石門廬翰坡

昆鑾

明府招飲

玉灣春漲似愁深聽雨孤篷白髮侵那得從君監酒務醉

鄉無事日狂吟

宋在石門  
置酒監

琴隱園詩集卷十八

多謝停琴勸舉觥簷花落盡尙留鶯已拚百事居人後卻  
向廬前占酒名

題畫猿

饑餐山果倦眠苔長自逍遙薜荔隈儘有衣冠向塵土青  
山孤負不歸來

贈吳兼山別駕時被議將卜居吳門

不信懸河口工吟奪錦詩君眞天下士同是羽林兒萬事  
雪過眼浮生鵲踏枝從今遊汗漫心跡海鷗知

開徑無多日黃花已受霜頓令客屐少祇覺雁宵長茂苑  
繁華藪斯人詩酒狂衆中防物色能不問耕桑

送儀墨農之揚州

萬里重相見詩囊海嶽收江南多勝覽幾日到揚州聚散  
歸千古笙歌又一秋爲尋揚子渡應有舊盟鷗

題畫

簇簇青山脈脈波西風黃葉正辭柯扁舟簑笠知何處應  
有沙鷗憶志和

翠微深處數椽幽不鍊丹砂不出游弄罷瑤琴無一事柴  
門倚杖聽雲流

行過山隈復水灣溪翁心似白雲閒回頭獨有關懷處詩  
在長松瘦石間

辛卯

年五十四至  
湖州杭州

雨中偕月鄰銅士子蒙九梅飲虛白榆蔭樓口占兼

懷太鶴山人

六客又成醉三年不共遊湖山歡舊侶風雨感斯樓春去  
門前樹人歸天際舟知君重相憶忍不少句留

一鶴去不返四山空暮雪芒鞋上金殿前席獨空羣此地  
猶詩壘何人將酒軍鷗波好煙景桃李惜紛紛

吳伯勤訥士昆季招同吳興同官集橫塘僧舍飲茗  
居雨中重訪蓮花莊觀松雪遺石卽事二首

春雨正無賴鄉音偏有情僧廬容客醉茗水似詩清此地  
悲今昔同官半死生眼中誰不朽公等自簪纓

百廢期賢守

謂周貞木

王孫有舊莊叩門重拜石冒雨共歸航

魚鳥出人近林泉要福當來朝有詩興還醉挂瓢堂

題汪少海

仲洋

大令詩草

讀盡書三壁文章氣吐虹高吟其河嶽白眼向王公出棧  
思船老爭奇到放翁卅年餘子在險筆門蠶叢

葫蘆

渾噩能全太璞初莫嫌腹負最心虛請君試探中何物可  
有先生下酒書

藤根不斷多牽絆箇裏乾坤若箇尋瓠落拚成無用物中  
流誰道值千金

橫塘

落日下橫塘前山暮煙紫幽人何處歸款乃斜陽裏

顧受笙學博海天風雪圖

南至南海南北至北嶽北南海風摧檣北嶽雪沒幘半生  
萬里遊風雪常我厄觀君風雪圖羨君心意適玉龍怒酣  
戰天海一齊白不辭醉眼眩肯令詩口默冷官本耐寒對  
此欣有得爲我談瀛洲去家只咫尺扶桑亦身旁慣見旭  
輪赤變幻原無常炎涼各自識識君意氣豪終作蓬萊客  
且回子猷舟高臥袁安宅風雪不出門人生福無極

贈琴師沈琴癡卽以韻別

舉世箏琶耳何人古調聞抱琴思入海今日幸逢君餘事  
惟高詠清談亦解紛碧欄堂下水鳴咽爲離羣

題畫

結茅在林麓無事出門稀彈琴向流水松花吹滿衣亦有



知音人閒來尋翠微囊琴澠美酒醉看青山飛

江墨君錢塘獨立圖

去得順風來者怨之江三折路漫漫不知過客忙何事卻  
讓先生冷眼看

卅載江湖兩鬢絲昂然鶴立少人知算來誰是舊相識賸

有龍山塔一枝

六合塔在龍山月輪峯

倚門骯髒是何人難得湖山已買鄰笑我猶無錐立地至  
今百口在風塵

酬楊龍池明府次見懷韻

我歎一瓠繫君阻雙鳬飛青山兩相望誰能息塵機春風  
方鼓枻秋露忽沾衣囊琴在塵壁一別知音稀

九天落珠玉隨風墜我前貧官疏舊雨聚首從新年羨君  
詩筆健治譜還精專十年冠蓋場又有湖山緣  
我輩不諧時不過耽詩酒我非罵座人亦非奪錦手欲作  
媚俗姿不如愚赳赳所愧風塵身無暇窮二酉

秋感

昨宵一葉落秋氣侵霜豪有情天地悲聽此風蕭騷老無  
立錫地匪念尊鱸遙骨肉多飢寒數郡漂洪濤貧家獲豐  
歲米價猶嫌高太倉亦已竭轉徙如牛毛俸錢敢云薄投  
河同楚醪飲亦不成醉況乃懸空瓢緩急莫相濟慚愧平  
生交大厦徒狂言且免妻孥號

觀周忠介所書應著作陌上三叟詩書後

寡慾清心慎眠食陌頭三叟長生訣太常書此胡爲乎彭  
殤總是雲煙滅童時釣遊公故鄉聞公大節常心傷世有  
男子不畏死忠賢可知吏部郎顏馬沈楊市人細文元乃  
公一輿隸五人好義非亂徒片碣至今存正氣丈夫所貴  
名千秋何用碌碌年齡修七十五字二百歲不同九鼎隳  
神州再拜肅觀識月日心正從來能正筆義公忠孝善貽  
謀青史還傳茂蘭血

史稱公子茂蘭刺血書疏好學砥行國變後隱居不出

章翁澹園訥齋松溪邁亭昆季四人遺照其裔又村

大令

羅曾

求題四翁皆壽考而子孫科名不絕吳

興望族也

一翁弄琴古松下一翁倚杖流泉邊兩翁相對坐巖石有

童采芝嬉向前四人三百十三歲龜駒玉鵠兄弟賢

黃山

典龜父駒父玉父鵠父潘邠老詩云封胡羯未謝龜駒玉鵠洪商山耆耆不同氣懷州友

愛非長年唐貞元間懷州穆氏兄弟四四龍皆壽古無匹

富貴況復兒孫全往歲登堂見鶴髮那知卽此芝童駒宦

成歸老七十稔所耕亦卽翁耕田朱霞白鶴盡天上傳家

簪笏何縣緜若非積善詎易致荆摧蘭折常紛然豈有丹

砂在深井但無一事瞞青天弁山蒼蒼霽溪碧至今光德

輝星躔博陵崔氏兄弟同居慨我中年雁行斷更看豚犬

拋青氈百不如翁亦已矣一心不死惟林泉林泉未必便

吾有有圖知否能畱傳余有琴隱及書梅樓二圖皆全家在山水間

山遊和友人

一徑入深碧四山空白雲幽情人不識好句鶴先聞探穴  
披金笈磨崖釋薛文向平嗟老大夙願意輸君

甘苦十年嘗窮吟老更狂要知詩味永不異榮根香客散  
禽聲聚官閒花事忙獨嫌新闢徑不共我連牆

徐虞亭之壩乞詩

倦鳥無心奮羽翰逃禪應是學心安愛遊畢竟還詞客說  
法從來有幸官萬事君知花在鏡百年誰會坂畱尤何如  
且住緇經手隨分青山把酒看

虞亭持竿小照

回首煙波思渺然勞薪堪歎雪盈顛一竿易了浮生事不  
比青山買費錢

西園雜詩

花事過春尙未闌  
虎須獵菊蟲捫蘭  
手裁團扇憐嬌女  
倩把蕭齋寫素紈

抱甕編籬阿段勤  
投壺客去正斜曛  
涼蟬聲裏茶煙直  
去向屏山山作暮雲

華池曉起動風雷  
羣渠牢步虛辭叩齒風雷響  
一卷青霞對鶴開  
但種

梅花三百樹羅浮  
能約葛仙來

刻鵠空慚效伯高  
性靈原自溯風騷  
閒題蕉葉如風雨  
幾度牆根瘞退毫

偶檢同人投贈詩裝池成卷漫題其後

萬籟歸一寂千秋能幾人  
德星還此聚詩國永相親  
交道

無生死殘縑有鬼神雪泥何限感同保歲寒身

送莊實甫

葆誠

大令之汴

畱此無長策貽君有短箋貧官當儉歲遠別正殘年舊侶  
鄉園盡新詩道路傳河陽春似錦琴劍獨蕭然

吳蘭雪別後無書聞尙艤舟滕王閣卻寄

一官輕萬里五字足千秋聞道黔西守猶停輶北舟春江  
花影豔高閣佩聲幽借問添香侶音書肯代修

孤山書林處士祠壁

鶴逕迷殘雪龜趺蔽亂麻不逢林處士且拜古梅花昨夜  
琴三弄孤亭水一涯那知詩夢好今日到君家

題畫

倚杖柴門看好秋門前秋水接天流今朝為有登山約閒  
了鷗邊一釣舟

昨宵詩夢最無由玉笛飛聲江上樓一片征帆隨落葉鯉  
魚風裏下吳頭

不為談元即論文杖藜得得破秋雲到門先聽書聲喜三  
顧何人得見君

竹間松下最宜琴況有流泉太古音此老胸中無一事祇  
饒清興發秋吟

王硯農之佐徵君索題癸未水災冊

天災無時無補救在人力讀君繪水編海內詩文家題水災冊與紀災之作  
彙刻繪水編痛定心還惻滿紙波濤聲空堂雨氣逼憫彼  
林中丞序之



嗷嗷鴻哀鳴失南北惟君一書生非有民社責援溺急先  
務俾之安食息此舉非好名見者不能默似續監門圖筆  
底淚猶溼繫余事戎馬飽竊太倉粒亦存廣廈胸無策籌  
安集俯仰十年中夢魂在鄉國仁人利溥哉對之有慚色  
自今歲其有恫瘝庶家給雲煙過眼無此卷終不泐

自題歲朝圖

山翁新歲題新句閉戶不逢親與故庭前一整鹿皮巾再  
拜千年古松樹

山家新歲樂無事閒手一編爐火紅嬾去風前索花笑寒  
梅已到膽瓶中

寒窗吟望思悠然詩在疏梅瘦石邊爆竹一聲眠鶴醒山

中曆日又新年

掃地焚香舉舊醅  
膽瓶還供一枝梅  
知君賀歲端相過  
早起簷鵲噪來

臘月十九日福雲亭

祥

將軍富海帆

呢楊阿

中丞何

仙槎

波漢

侍郎阿實甫

靈阿

權使陳芝楣

鑾

方伯

桂杏農

曹

廉訪宋湘帆

其沅

觀察同遊西湖以坡

公生日讌集祠下同用公臘日遊孤山韻予為補

圖并次韻

馬嘶慙舟膠湖隄一月遊人無空林凍鵲忽驚噪飛蓋  
出沒來呵呼寒梅瘦鶴詩人拏相思相見情相娛金鞍碧  
幘玉山上瀟灑七賢青紫紆公祠僻似南陽廬南飛惆悵

仙禽孤鐘鏞絕響大雅歇清音瑟瑟餘菰蒲名姓猶熟漁  
樵夫寒泉其薦朝與晡諸公風流自輝映高會豈等西園  
圖回頭重光七十六春夢倏忽同遽遽東坡於熙寧四年  
辛亥十二月初至  
杭州迄今年辛卯  
又七十六卒歲矣可憐塵網難逃遁昔賢芳躅須追摹

題劍秋除父祭硯圖

片石多於萬頃田書生休賦送窮篇早知石友能同醉空  
把屠蘇勸少年

琴隱園詩集卷十八終